

## EW NOMOPUNG

A AWORA UKUKUN RUWE ME RUU NGOROU CHANA (\$22,000) REN MONIEN EW SUKUNEN PEKIN ATAKE NON CHUUK.

## EPWE PUNG ME REN EWE TRUK DISTRICT LEGISLATURE PWE:

Tetten 1. Kaworen Moni. Iei a kawor ukukun ruwe me ruu ngorou chana (\$22,000) seni ewe Monienapen Legislature, ren fan asengesin monien ew pekin angangen atake me sukunen atake non Chuuk.

Tetten 2. Angangen me Sukunen Atake won ekkewe fonu non Chuuk.

- (1) Ei moni a kawor epwe nounou ren forutaan angangen pekin atake non fonuwen Chuuk pwan asukunen ekkewe minefoon angangen atake.
- (2) Epwe wor etipeew nefinen ewe soufonu me ewe Muun Chuuk ren an ewe Pekin Atake non Chuuk epwe forata ew anapanapen atake fan iten an epwe aiti ngeni ewe soufonu me ekkewe chon sukun ekkewe minefoon angangen me pwomwan atake. Ewe soufonu epwe tipeew ngeni an epwe awora, esap kisiseni ew acre, epwe tutumunu ewe anapanapen atake non ukukun nimu (5) ier. Ewe soufonu epwe angei ukukun nime percentin (50%) met mei kinikin ika amomono me won fonuan we.
- (3) Ewe Pekin Atake non Chuuk epwe atononga ekkoch chon sukun repwe kakao ngeni ekkewe pekin angangen atake fan tumunuwen emon tupun ewe Pekin Atake non Chuuk. Emon a tongeni chooni ei program ika mei wor ukukun ruu acre fonuwan epwe tongeni atakeni non napanapen met a kaeo me non ewe sukunen atake, non ukukun esap kis seni unungat ier. Emon me emon ekkewe chon sukun repwe angei ukukun wone chana (\$60.00) aninisiir ew maram, nge murin ar awesi ewe sukun, ewe program epwe awora ar pisekin atake ren ar repwe eaea ne atakeni fonuwer kewe. Iwe ewe nime (50%) percent, murin an ewe soufonu a angei wisan we, epwe eint nefinen ekkewe chon sukun, epwe chok nonnono chok wiser.

Tetten 3. Tumunun Moni. Ewe Meinapen Pekin Atake non Chuuk, iei a mumuta ngeni an epwe wisen tumunu ei moni mei kawor. Ewe Meinapen Pekin Atake epwe pwan awora repotun nounoun me mwokutukutun ei moni ngeni ewe Legislature non ika mwen May 1, 1977.

Tetten 4. Niwinsefanin Moni. Met ukukun nussun ei moni mei kawor esemwo it ne nounou ika nussuno tori non September 30, 1977, epwe niwinsefaniti ewe Monie-napen Legislature.

Tetten 5. Poputan Pochokunan. Ei Nomopung epwe poputa pochokunan fansoun chok an a kapungunno me ren ewe Kepina non Chuuk, ika, fansoun chok an pusin winiti annuk inamwo ika ewe Kepina esemwo chiwen apunganno.

Anetata seni:



Datasu Albert  
Legislative Clerk/Secretary  
Truk District Legislature

Sain seni:



Koichi Sana, Speaker  
Truk District Legislature

Pwinin maram:

7/7/76

A kopungunno seni:



Mitaro S. Danis  
District Administrator, Truk

Pwinin maram:

7/16/76